



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU PARTIJE PRAVOG PUTA

Broj: 03-07-6-556/13
Sarajevo, 21. mart 2014. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Partije pravog puta za 2012. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine i Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2012. godinu, utvrđeno je da je Partija pravog puta prekršila odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine i člana 12. stav (4) Zakona o finansiranju političkih stranaka, koji je na snazi od 05.12.2012. godine.

Na osnovu našeg pregleda, odnosno kontrole finansijskog izvještaja, a obzirom na činjenicu da politička stranka nije dostavila kompletnu dodatnu dokumentaciju, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Partije pravog puta za 2012. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Partija pravog puta je ostvarila ukupne prihode u iznosu od 1.601,00 KM, što je iskazano u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica	400,00	24,98%
3	Prilozi pravnih lica	0,00	0,00%
4	Prihodi od imovine	1,00	0,06%
5	Prihodi od pr.lica	0,00	0,00%
6	Prihodi od poklona	1.200,00	74,95%
7	Prihodi iz budžeta	0,00	0,00%
	Ostali prihodi	0,00	0,00%
	Ukupni prihodi:	1.601,00	100,00%

U godišnjem finansijskom izvještaju Partija pravog puta je iskazala ukupne rashode u iznosu od 1.298,00 KM.

2. PREDSTAVLJANJE POLITIČKE STRANKE

Naziv političke stranke: Partija pravog puta. Skraćeni naziv: PPP.

Partija pravog puta upisana je u registar političkih organizacija Općinskog suda u Sarajevu rješenjem broj: 064-0-F1-10-000003 od 31.10.2010. godine.

Sjedište političke stranke je u Sarajevu, Butilska do br. 11.

Lice ovlašteno za zastupanje stranke, prema podacima iz godišnjeg finansijskog izvještaja za 2012. godinu, je Admir Pozderović, predsjednik.

Lice ovlašteno za podnošenje finansijskog izvještaja za 2012. godinu je Admir Pozderović.

Prema podacima iz godišnjeg finansijskog izvještaja za 2012. godinu, Partija pravog puta nema niže nivoe organizovanja (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Partije pravog puta za 2012. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Partije pravog puta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjih finansijskih izvještaja Partije pravog puta za 2010. i 2011. godinu, nakon čega su izdati izvještaji o pregledu sa nalazima revizije, mišljenjem revizora i preporukama.

Nakon izvršenog pregleda za 2011. godinu, Služba za reviziju je izdala Izvještaj o pregledu godišnjeg finansijskog izvještaja Partije pravog puta sa mišljenjem revizora, nalazima revizije i preporukama stranci da postupa u skladu sa odredbama člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2012. godinu, utvrđeno je da Partija pravog puta nije ispoštovala preporuke iz Izvještaja o pregledu godišnjeg finansijskog izvještaja za 2011. godinu, odnosno godišnji finansijski izvještaj za 2012. godinu nije popunila u skladu sa Pravilnikom.

5. NALAZI I PREPORUKE

5.1 NALAZI

a) Partija pravog puta prekršila je odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.

Na osnovu obavljenog pregleda, utvrđeno je da Partija pravog puta nije popunila obrazac 4-1 (režijsko-administrativni i ostali troškovi) godišnjeg finansijskog izvještaja za 2012. godinu u skladu sa članom 21. tada važećeg Pravilnika o godišnjim finansijskim izvještajima političkih stranaka („Službeni glasnik BiH“, broj 61/06) - u daljem tekstu: Pravilnik, čime su prekršene odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.

Uvidom u obrazac 4-1 utvrđeno je da je Partija pravog puta iskazala troškove naknada i troškove predaje završnog računa APIF-u u ukupnom iznosu od 98,00 KM.

Pregledom je utvrđeno da su ukupni rashodi u obrascu 4 (ukupni rashodi) iskazani u većem iznosu u odnosu na podatke iz pojedinačnog obrasca 4-1 za 1.200,00 KM, odnosno da Partija pravog puta nije u obrascu 4-1 iskazala troškove zakupa poslovnih prostorija u iznosu od 1.200,00 KM.

b) Partija pravog puta prekršila je odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.

Dana 01.08.2013. godine, Centralna izborna komisija Bosne i Hercegovine je Partiji pravog puta uputila Zahtjev za dostavljanje dodatne dokumentacije za 2012. godinu¹, a dana 25.09.2013. godine i Urgenciju za dostavljanje dodatne dokumentacije², kojim je od stranke zatraženo da dostavi: dokumentaciju o korištenju poslovnog prostora u 2012. godini, bruto bilans stranke na dan 31.12.2012. godine, glavnu knjigu sa kompletnim analitičkim evidencijama stranke za period 01.01.-31.12.2012. godine i potvrdu banke o stanju sredstava na transakcijskom računu broj: 1325002008581136 otvorenom kod "NLB banke" na dan 31.12.2012. godine.

Partija pravog puta je dana 17.10.2013. godine, odnosno 25.10.2013. godine Centralnoj izbornoj komisiji Bosne i Hercegovine dostavila kopiju ugovora o korištenju poslovnog prostora, potvrdu banke o stanju sredstava na transakcijskom računu i nalog za knjiženja 01/12.

Obzirom da Partija pravog puta nije postupila u skladu sa zahtjevom Centralne izborne komisije BiH, odnosno nije dostavila bruto bilans stranke na dan 31.12.2012. godine i glavnu knjigu sa kompletnim analitičkim evidencijama stranke za period 01.01.- 31.12.2012. godine, prekršene su odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.

5.2 PREPORUKE

Preporučuje se Partiji pravog puta da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

KOMENTAR:

U ostavljenom roku, Partija pravog puta nije dostavila primjedbe na Preliminarni izvještaj o pregledu godišnjeg finansijskog izvještaja za 2012. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc. Hasida Gušić

¹ Zahtjev broj: 03-07-6-556-3/13.

² Urgencija broj: 03-07-6-556-4/13.